



Broj: 09/2-16-8-28032-13/23
Sarajevo, 29.09. 2023. godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama BiH ("Službeni glasnik BiH", br. 39/14 i 59/22), te prijedloga Komisije za javne nabavke utvrđenog u Zapisniku broj: JN1-16-8-28032-12/23 od 25.09.2023. godine, u postupku javne nabavke motornih vozila za potrebe Ministarstva inostranih poslova BiH za LOT-2 -Motorno vozilo srednje klase, donosim:

ODLUKU
o izboru najpovoljnijeg ponuđača

Ponuđač „M.R.M. export-import“ d.o.o. Ljubuški sa ponudom broj: 003-381-PKW/23 od 15.09.2023. godine, proglašava se najpovoljnijim, te se imenovanom ponuđaču dodjeljuje ugovor za nabavku motornog vozila srednje klase – LOT-2, u postupku nabavke motornih vozila za potrebe Ministarstva inostranih poslova BiH.

Ova odluka objavit će se na web-stranici www.mvp.gov.ba istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama ("Službeni glasnik BiH", br. 39/14 i 59/22).

Po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

O b r a z l o ž e n j e

Postupak javne nabavke pokrenut je Odlukom o pokretanju postupka, broj: 09/2-16-8-28032-1/22 od 17.08.2023. godine, u kojoj je predviđeno da je procijenjena vrijednost javne nabavke za LOT - 2 - Motorno vozilo srednje klase iznosi 59.830,00 KM bez PDV-a.

Obavještenje o nabavci br: 253-1-1-27-3-50/23, objavljeno je na Portalu javnih nabavki dana 01.09.2023. godine, a sažetak obavještenja o nabavci u "Službenom glasniku BiH", broj: 62/23 od 08.09.2023. godine, na osnovu kojeg je proveden otvoreni postupak predmetne nabavke.

Komisija je Zapisnikom o pregledu i ocijeni ponuda za izbor najpovoljnijeg ponuđača za nabavku motornih vozila za potrebe Ministarstva inostranih poslova BiH, Motorno vozilo srednje klase – LOT-2, broj: JN1-16-8-28032-12/23 od 25.09.2023. godine konstatovala da su do roka prijema ponuda, 21.09.2023. godine, pristigle sljedeće ponude:

1. „Porsche inter auto BH“ d.o.o. Sarajevo, dana, 15.09.2023. godine u 14:45 časova, sa ukupnom cijenom ponude u iznosu od 69.939,30 KM, odnosno u iznosu od 59.777,18 KM bez PDV-a (Ponuđač je na prvobitnu cijenu od 63.592,76 KM bez PDV-a dao popust u iznosu od 3.815,58 KM bez PDV-a) i
2. „M.R.M. export-import“ d.o.o. Ljubuški, dana, 20.09.2023. godine u 09:10 časova, sa ukupnom cijenom ponude u iznosu od 69.900,00 KM, odnosno u iznosu od 59.743,59 KM bez PDV-a

zaključno sa rednim brojem 2 (dva).

Analizom dokumentacije pristiglih ponuda, te suštinskom provjerom sadržaja i validnosti istih, Komisija je utvrdila da navedene ponude ispunjavaju formalno-pravne, ekonomske i tehničke uslove tenderske dokumentacije, te su iste prihvatljive i mogu biti predmet vrednovanja shodno kriterijima utvrđenim Obavještenjem o nabavci i tenderskom dokumentacijom.

Na osnovu prethodno navedenog, a u skladu sa tačkom 3.5.1. tenderske dokumentacije, kojom je utvrđen kriterij za dodjelu ugovora „najniža cijena“, Komisija je konstatovala da su se za proceduru provođenja e-aukcije kvalifikovali sljedeći ponuđači:

1. „Porsche inter auto BH“ d.o.o. Sarajevo sa ukupnom cijenom ponude u iznosu od 59.777,18 KM bez PDV-a i
2. „M.R.M. export-import“ d.o.o. Ljubuški sa ukupnom cijenom ponude u iznosu od 59.743,59 KM bez PDV-a

i da je iste potrebno pozvati na učešće u e-aukciji.

Nakon završene e-aukcije koja je održana dana, 25.09.2023. godine u 10:00 časova, a na osnovu Izvještaja o toku i završetku e-aukcije, Komisija je konstatovala da kvalifikovani ponuđači nisu učestvovali na e-aukciji i da su isti zadržali prvobitno ponuđene ukupne cijene ponuda. S tim u vezi, konačna rang lista ponuđača je bila sljedeća:

1. „M.R.M. export-import“ d.o.o. Ljubuški sa ukupnom cijenom ponude u iznosu od 59.743,59 KM bez PDV-a i
2. „Porsche inter auto BH“ d.o.o. Sarajevo sa ukupnom cijenom ponude u iznosu od 59.777,18 KM bez PDV-a.

Cijeneći navedeno, a u skladu sa članom 64. stav (1) tačka b) i članom 65. Zakona o javnim nabavkama BiH, Komisija je jednoglasno dala preporuku da se donese Odluka o izboru najpovoljnijeg ponuđača za nabavku motornog vozila srednje klase – LOT-2, u postupku nabavke motornih vozila za potrebe Ministarstva inostranih poslova BiH, na ime ponuđača „M.R.M. export-import“ d.o.o. Ljubuški sa ukupnom cijenom ponude u iznosu od 59.743,59 KM bez PDV-a.

Pouka o pravnom lijeku:

Protiv ove Odluke može se izjaviti žalba Kancelariji za razmatranje žalbi, najkasnije u roku od 10 (deset) dana od dana prijema ove Odluke i to u pismenoj formi, u dovoljnom broju primjeraka, a koji ne može biti manji od tri.

MINISTAR

Elmedin Konaković

DOSTAVITI:

1. Ponuđačima,
2. Odsjeku za opšte poslove, arhiv i dokumentaciju i
3. Evidenciji a/a.

